

拙軒集

拙

年

集

拙軒集目錄

武英殿聚珍版原本

卷一

賦一首

五言古詩七首

七言古詩二十六首

卷二

五言律詩四首

五言排律二首

六言律詩二首

七言律詩六十七首

卷三

七言律詩二十七首

七言排律一首

五言絕句二首

六言絕句一首

七言絕句五十一首

逸句

卷四

詞三十五首

卷五

表二首

牒二首

記四首

卷六

序三首

帖啓二首

書後三首

祭文一首

行狀一首

墓誌銘哀詞各一首

臣等謹案拙軒集金王寂撰寂字元老薊州玉田人登天德二年進士歷官中都路轉運使諡文肅金史不爲立傳元好問中州集載其詩入乙集中而仕履亦僅見梗概今以寂詩文所著年月事蹟參互攷證知寂自登第後于世宗大定二年爲太原祁縣令十五年嘗奉使往白霫治獄十七年以父艱歸明年起復真定少尹兼河北西路兵馬副

都總管遷通州刺史兼知軍事又遷中都副留守
二十六年冬由戶部郎出守蔡州二十九年被命
提點遼東路刑獄章宗明昌初召還終于轉運使
之職而集中謝帶笏表有世宗饗國臣叨預諫員
語則又嘗爲諫官又有羣言交構擠臣不測之淵
語而丁未肆眚詩有萬里湘纍得自新句丁未爲
大定二十七年世宗本紀載是年三月辛亥以皇
太孫受冊肆赦並與集合是寂之刺蔡州當以人
言去國而集中情事不具其顛末莫能詳也中州

集稱寂著有拙軒集北遷錄諸書今北遷錄已失傳而好問所選寂詩僅七首及附見姚孝錫傳後一首其他亦久佚不見惟永樂大典內所載寂詩文尚多雖好問所摘畱別郭熙民詩諸聯及蔣一葵長安客話所紀盧植墓詩逸句皆未見全篇亦不能盡免于脫闕而各體具存可以得其什七矣寂詩文清刻鑒露有戛戛獨造之風在大定明昌閒卓然不愧爲作者金代知名之士見于中州集者不下百數十家今惟趙秉文王若虛二集尚有

傳本餘多湮沒無存獨寂是編幸于沈埋晦蝕之餘復顯于世而文章體格亦足與滹南溢水相爲抗行謹甄第裒綴釐爲六卷俾讀者攬其崖略猶得以攷見金源文獻之遺是亦可爲寶貴矣乾隆四十一年二月恭校上

總纂官侍讀學士_臣陸錫熊

侍講學士_臣紀昀

纂修官庶吉士_臣汪如藻

拙軒集卷一

金

王

寂

撰

賦

巖蔓聚奇賦

伊合抱之巖藤迹其生之有漸挺標末其不凡商世用
而尤瞻裁搗馬之短筆綰維舟之長纜斷滇池飛電之
杖組湘浦含風之簟獨高節之擁腫外纍纍然中歉顧
匠石之數過不側目而一覘有好事者非常風鑒破長
橋之蛟卵剖巴山之猿噉其混然而天成微斧鑿之可

驗彼甕石雖潔而近乎俗金玉雖珍而幾于僭當罇俎
之勝處惟癭君之獨占惜流落于市井爲時人之所厭
幸淇泉之賞音輟酒直而見念不然則灰爨下之桐而
失酆城之劍老人旣歸而謀諸婦曰我以酒隱處身純
儉欣此物以有託了吾生而無憾于是撥春甕之嘈嘈
漉乳泓之湛湛挹彼注茲十分潏灩追顏子之瓢飲陋
管氏之反坫咀嚼石蟹之霜螯狼藉荷盤之菱芡少焉
旣夕風清天淡舞月影兮徘徊吸露華兮汎灩已而先
生徑醉也宮錦淋漓角巾敲墊捲河漢于一酌盡江湖

于一蘸洗戰國之蠻觸弔古今之時暫陶陶乎釋身世
之羈縛浩浩乎謝功名之機陷然後神遊八表兮其將
以躡冥鴻之背而採驪龍之頷也

五言古詩

題寶泉軒

野人強冠襟任事多脫略官府逃喧卑僧牕憩寂寞高
情渺層雲逸興發幽壑山色爲誰來秋光無處著頽紅
挂浮圖漲碧分略約天共水相合風催雨欲作漁歌散
汀洲春相隔籬落屬玉破微茫斜書灑寥廓幽懽殊未

打車集
卷一
闌歸興輒作惡後會定何時期以辛丁約

詠張宮師二疏東歸圖

案畫史會要金太子少師張汝霖善畫圖當卽所作

戰國事縱橫廉隅初滅裂強羸灰六籍名教寢衰歇卯

金新典禮蠹簡訪遺缺人材就教育士檢敦修潔賢哉

二大夫夢覺槐安穴

案槐安國爲唐時故實不應引用謹附訂於此

功名我何

有劍首吹一呖約日俱移疾乞身良勇決兩宮贐黃金

恩遇顧不褻送車數百兩祖帳都門訣冥鴻謝繒繳天

馬落羈紲倒囊促供具賓族相娛悅父子以壽終

案本傳父

子字乃承上文兄子而言此摘用未明併附訂于此

名聲日星揭人誰不學步卒

莫踐其說寥寥閱魏晉得一陶靖節平生腰骨硬肯向
督郵折後世無問津風流冷于鐵龍眠以畫隱游意睎
往哲嗚呼紙上影生氣猶凜冽宮師廊廟具天爲蒼生
設莫襲異姓封長揖稷與契云何眷短幅摸索墨漫滅
況爲山九仞一簣功可輟盍睎鳳巢閣姑置鷗歆血方
將薦廟堂微公孰翹彙致君堯舜上鐘鼎載勲烈歸艇
渺烟波晴樓醉松雪古今雖異時出處同一轍款圖幸
不惡蚤計正恐拙兩疏儻有靈抵掌冠纓絕

題季札挂劍圖

打車集 卷一
季札貴公子軒軒氣凌雲平生會心少四海一徐君相
逢適所願情話如蘭薰徐君顧長劍意欲口不云季子
心許之誓將歸獻芹駐節不容久驅駒促輕分言還訪
舊隱路人指新墳千將挂高木以示初意勤知己九泉
下冥漠聞不聞今人交勢利輕薄徒紛紛豈惟此道絕
反是爲虛文伯夷微仲尼萬古埋清芬

跋羣麀出谷圖

我家崆峒南丁年習騎射每憶逐羣麀應手相枕藉一
行吏風塵此事更何暇朝來閱短幅歸興輒命駕丹青

知誰歟想與二易亞看猿良獨癡失林還可訝爾軀幸
無罪爾肉鮮可炙毛臍竟自賊何異猱與麝水草苟自
足慎勿害農稼恐逢曹景宗數肋不汝赦

程尚書油烟墨

書生短燈檠業苦孔之卓百巧出寒餓輕煤收紙幄魚
胞杵萬計得此崑崙璞墜溝終不變良質信堅確摩挲
等肘印肝腎要彫琢是中自有樂未許兒輩覺堂堂地
官伯胸次吞河嶽踰縻優月給拜次豈不數人生幾量
展迅景驚飛電胡爲事細碎刻意追古朴得非遊戲耳

打車集 卷一
一笑供掌握區區張與李小道安足學何當獻天子毛
楮全甄擢增新漢文物潤色周禮樂天章貺詞臣宛彼
雲漢倬但恐醉常侍狂登御牀角

和陳無己送東坡韻

坡公守餘杭餞客傷乍遠人生貴知己旅退其可忍陳
三天下士好德吾未見垂涎嗜熊掌擺手謝關鍵觀過
斯知仁如月蝕輒滿聞風激庸懦所恨我生晚

小兒難夫子辨

并引

予奉朝命之夷門道過太行路左有二石像詢

其父老云此小兒難夫子迴車之故地予惡其
虛名而無實作是詩以辨之

我行自并門道出太行嶺路傍古石人髣髴類形影過
客互傳疑是非竟誰請會逢田舍翁荷杖雪垂領爲問
定何如愚蒙庶幾警云昔東家丘歷聘入吾境偶此值
小兒難詰豪且穎丘也不能對驅車返天井邦人思其
賢想像刻頑礦始予駭其言嗔赤發面頸夫子聖者歟
日月揭餘炳豈聞採樵斧巧掩運斤郢翁徒老于年此
事能不省翁聞遽愀然色厲聲亦猛轍迹今尚存事況